

南平縣志

卷之...

第一册

跋語

余未擅三長罔窺四庫萍飄梗泛潦倒過
愚垂老無聊薄遊三晉方伯公款留蓮
署遙山近水略得流覽土風焉夏初公
云高平志書百年未輯有司聞君名久橐
筆從事可乎余自分心血漸衰筆花已落
懼辜委任勉應焉秋初疾止高平館於
邑侯傅公署內檢查冊籍咨考山川辨正

高平縣志

序

封疆諏詢人物條分鱗次按部就班不欲
苟同未敢矜異釐其卷袞粗得成書或曰
志者史書之流也余謂天地閔河兵農禮
制城隍營建選舉職官大率本史顧史則
義歸彰瘴筆削維嚴志則善善欲長用昭
觀感為美為刺言外相叅以備採風以資
掌故志之職也史云乎哉邑侯既親為斷
制紳士亦相與折衷質諸諸公當必有

教育糾其謬謬如曰作者以俟後來時乾
隆歲在昭陽大荒落嘉平朔望南徐戴純
尊浦氏書



高平縣志

序

二

跋語

余未擅三長因窺四庫萍飄梗泛潦倒過
愚垂老無聊薄遊三晉方伯公款留蓮
署遙山近水略得流覽土風焉夏初公
云高平志書百年未輯有司聞君名久橐
筆從事可乎余自分心血漸衰筆花已落
懼辜委任勉應焉秋初疾止高平館於
邑侯傅公署內檢查冊籍咨考山川辨正

封疆諏詢人物條分鱗次按部就班不欲
竒同未敢矜異釐其卷袞粗得成書或曰
志者史書之流也余謂天地關河兵農禮
制城隍營建選舉職官大率本史顧史則
義歸彰瘴筆削維嚴志則善善欲長用昭
觀感為美為刺言外相叅以備採風以資
掌故志之職也史云乎哉邑侯既親為斷
制紳士亦相與折衷質諸諸公當必有

長平之壘慨然念斯民命
於兩間嘉徵沴劫惟其所
值為可感也予承乏此邦
者數年東過井陘北度勾
注出重巒抵大青山之麓
古所謂險塞之地塵躡之

場者今皆畛畷聚落蕃孳
作息雞虺不驚矣

聖人在上萬物康阜人民壽考
豈一世之澤與晉俗勤儉
而上鄙之風尤醇官斯土
者得以從容考鏡往蹟坐

理殷庶歌勞勤苦豈可不
知其所以自與無為繭絲而
為保障使神禾連穎而丹
水化為庶泉此則予與良
有司所當孜孜共勉而茲
書益可信其不朽矣是為

序

乾隆三十九年甲午二月
十日

賜進士出身

誥授通奉大夫山西布政使司
布政使前

日講起居注官翰林院侍讀
學士大興朱珪書於晉陽
藩署之知足齋



粵稽諸古郡國之志太史掌之
而周禮則有小行人之職分別
所至之國之風土人情以反命
於王典之鉅也今之邑即古之
國今之邑志即古之國史彰察
者在是法戒者在是操觚豈

易言哉高平為古涇氏隸澤州
郡在禹貢為畿輔之邑漢魏齊
隋唐宋代有改置前明仍名高
平國朝因之其志自嘉靖乙
酉迄順治十五年脩輯再乙始
則十五卷繼則刪為十卷獨此

百二十餘年若文若獻缺焉未
詳歲癸巳邑令上儀傳君延請
名宿以董其事不數月厥工告
竣洵叙於余之曩令鳳臺與高
平接壤其於古涇氏之風土人
情畧窺大概遂不敢以不文辭

今夫外降者道也溥滴者俗也
有善以以率於上斯有仁風以
被於下涇雖蕞尔邑百廢俱興
要自有綱舉目張之盛顧體裁
弗協亥豕弗分何以信今而傳
後茲者星野圖譜冠諸首稌志

藝文列其終二十二卷脩短合
度一披覽而得通典通攷通志
之遺彙非第流覽山川僅誇金
峰之月丹水之波已耳異日者
通省志採而存之一統志擇而
載之其於古法氏之風土人情

高平縣志 序

庶幾土報

天子以覘大道化成之效也余且拭目俟之

寄

大清乾隆三十九年歲次甲午仲

春上浣英寧觀察使者 吳 翎

修其志撰



高平縣志

序

八

高平縣志序

上黨地扼天下之脊名冢
古或曰高都也或曰長平
也或曰注氏或又曰丹川
縣之名高平蓋自後魏永
安始也歲庚寅余奉

命來守是邦間嘗攷其山川稽
其圖籍披覽沿革之際喟
然者久之曰異哉所聞高
平故有志志凡四脩純駁
略有別今之所稱舊志者
順治十五年輯也嗣是以

來日新月異踵事增華目
染耳濡浸尋已久言人人
殊書缺有間矣百年之內
風土民情之故類無所表
述邑之人士俯仰其間鮮
考據而折衷之誰官斯土

者而竟沿習至此傳令治
邑之三年慨然起曰是余
之責也夫是余之責也夫
今

國家撫馭中外政教覃敷車
書一統制作維新余為是

邑有司而弗能網羅散失
勒成一書恐踰時越久日
就湮沒將何以為文獻徵
也爰是遠聘名儒廣採公
論列所次新舊事弗敢闕
為之分門別類博極羣書

討論得失他日將存為國
史補癸巳秋創其事甲午
夏告竣稿上訂可展卷之
暇良為稱善倘所謂通一
邑之掌故信今傳後者其
在斯乎其在斯乎余按高

平昔年用武地也烽火干戈紛爭旁午不勝屈指數白起廉頗諸將其故迹尚有存者今邑數世不見兵休養生息戶口滋繁人民殷富禮讓相先急公市義

久矣號稱易治矣昌黎云風俗與化移易惡在今不異於古所云耶又聞之澤潞青紫多半產在高平斯言之傳由來已漸振學校廣教化崇尚風雅拔起人

文非伊異人任也
良有司者

者

乾隆三十九年歲在甲午

初夏

特授朝議大夫知澤州府事章

高平縣志

序

三

水劉開燾題於觀我堂



序

國有信史寓褒貶於勸懲而是
非以定邑有實錄示激揚於旌
別而泚慝以彰雖志為小史有
褒多貶有勸無懲而其旌別之
微權隱行其貶與懲者實與史

高平縣志

序

十四

同歸一致焉志也而通乎史矣
甲午夏予以寄嵐州奉

憲委署高邑篆交代甫畢前任
傅公以所編葺新志命予一言
以為序予雖不善文又未敢以
不敏辭因三復而詳繹焉今夫

山川阨塞邑之屏衛也城池學
校邑之觀瞻也敦節孝而興觀
感尚文學而知禮義邑之觀摩
矜式也至於嘉言懿行代有傳
人隱逸賢才接踵而出莫不條
分縷晰竟委窮源奮志修於順

治戊戌迄今百有餘年得傅公
之網羅散失遠紹旁搜缺者補
之簡者續之詳而有體典而能
該殆所謂信令傳後顯示其廢
與勸而微蘊其貶與懲以成一
邑之掌故者意在斯乎予視篆

以來志已告竣不獲分任微勤
令適率觀厥成予亦與有榮施
不可無一言以為泣邑之士民
慶且以誌

聖天子重熙累洽文道化成是以
土之龐厚川巖之靈秀與才德

高平縣志

序

七

節義之方興未艾也後之作者
亦將有籍於斯文

乾隆三十九年歲次甲午孟冬
穀旦知岢嵐州署高平縣事粵
西陳聖瑞



序

涇邑舊志自前令范大於順
治戊戌歲修輯之後迄今
百有餘年矣其間目草
損益應事增刪者頗多辛
卯春余來知縣事羽翻閱舊

幸以思續加彙定願下車
伊始庶務紛繁未遑並舉
且事關著述更未敢以淺
陋之學妄加筆削是以
姑從其緩之視事三載案
牘之餘甫將社學祠署倉

厥獄舍等事次第修舉
有端緒適據紳士以邑志
呈請續修竊惟

國家疆域之廣超越曠古凡
隸版圖晉詳於方畧表志
諸書高平屬晉東南為

右輔之巖邑志乘雖稽實
所未安爰稟請

各憲重謀編輯既蒙批允
聞南徐孝廉戴君尊浦來
遊三晉延致邑中托以考
訂自疆域山水營建賦役

西及良吏名紳忠孝節義
諸條相與折衷商確自秋
徂冬勒有成書余思周禮
職方氏小史掌邦國志大
史掌四方志若輿地圖寰
宇記一統志等書體例雖

殊徵事攷言胥昭史法在
國有史在邑有志制度詳
焉教戒寓焉文物聲焉名
於斯著焉今

天子式廓丕基覃敷文教纂
修四庫全書以昭大備

輜軒採聽是書毋亦有裨
萬一歟或進而言曰斯志之
成始有時數百餘年前之
范公公之鄉人也中間名
賢踵至豈無有志斯役者
類皆因循不果今復得公

續成是舉則是公之一鄉
後先相望大有造於斯邑
矣誰非時數使然耶余應
之曰此紳士之志宰斯出
者亦祇據情轉達謹奉
上憲之命以董其成耳其

他非所敵居也是為序
乾隆三十九年歲在甲午
孟夏之吉知縣事三端
傅德宜令儀民書



高平縣志後序

淫之有志自楊侯子器始也宏治八年楊侯以慈谿名進士履任與訓導李君英創脩之而王文成公為之序再脩於博平傅侯思明三脩於昌平劉侯應召其秉筆者一為少司空郭公鏊一為鄉科唐君繼臯皆在有明之世其後則三韓范侯繩祖脩之於順治十五年而成於進士龐君太樸

之手今所云舊志即范侯本也自順治以來迄今百數十載歷三十餘政未有繼脩之者文獻無徵有心者咸謂為邑之缺典矣我

傅侯以奉天名孝廉自乾隆辛卯

簡命茲土為邑中補偏救弊勸農興學凡書院公廨及祠宇之在祀典者莫不捐貲整復釐然煥然而尤深心文獻考其疆域覈其

人物以為舊志簡質矣而徵引不無偶誤
且百年掌故殘缺弗完有司之責也於是
正其既往益其將來稽諏禮憲提要鉤元
大節必詳而幽賤不遺善善從長而偽濫
必斥其是非予奪一採諸公議而不自用
也而又敦聘名宿有南徐戴尊浦先生
者鴻儒碩學與之商榷編摩研削至於再
三期歲而後成以誌邑之士大夫及耆老

俊民共相驚喜歎息謂此百餘年未有之
書於以信今傳後昭勸誡而維風化雖事
止一邑而天下國家皆有賴焉夫天下之
事其始也難於創其繼也又難於因非其
人則不能舉有其人而不遇其時亦或舉
其端而不潰於成往者普定梅侯建以文
學飾政事數十年來所稱良吏也可脩志
矣以武進陶公方纂澤州志事統於州而


本邑可緩遂輟其役繼有歙縣胡任正
學術淵博前後文藝未有及之者屬草藁
已定錢塘朱公纂府志大都仍之而胡侯
挂吏議以去其事亦已我

傳侯素具三長之目以奏績之暇奮然不辭
其難振興百年久墜之緒蓋以能脩志之
久而遇急當脩志之時且有戴先生討
究辨論之助藉以勒成鉅典其事同於因

而功則倍於創矣齡卧病山中私幸衰朽
得以目覩未有之盛自愧無文不敢與聞
筆削之事而

傳侯及戴先生必以後序見屬謂子泣志
拾遺一書是編實取裁焉子母自外辭不
獲命用敢綜其始末以見茲志之墜也已
久其成之也不易後之覽者慎無視為常
事而忽之也哉

歲進士候選庶學訓導邑人司昌齡謹跋



昌平縣志

序

四

高平縣志 卷首

舊志序

萬曆四十三年 李維楨

昔孔子論鄭國之爲命曰裨諶草創之世叔討論之行人子羽修飾之東里子產潤色之辭命何國蔑有孔子奚取焉人情嫌於揚己則避而不敢首事嫌於蓋人則徇而不敢更張此四君子者當先而草創不虞人之議其專也已成而討論修飾潤色不虞人之耻其疎與陋也要期於其濟國事而已孔子之善鄭意蓋如此今之邑古之國也而廣大蕃庶容有過之今之邑志古之國史也彰往察來觀民體物是非褒貶法戒取舍咸是焉資其視爲命或端發

高平縣志

舊志序

一

一事或事在一時所關理道廣遠殆有過之作者述者寧渠易辦乎余讀高平志嘉其與鄭命異體而一致焉高平故有志迄嘉靖三十七年到於今五十七年矣而令劉文英續之文英行其意邑學士大夫修其辭分門別類以故志所定爲允則不易天文分野地方千里不專一邑則不載疆域形勝山川古蹟丘墓故志所遺抑昔存而今廢則必書賦有上供有軍興戶口庸調權稅有登耗有贏縮有利弊有因革國計民生務之重者也則必詳名宦鄉賢故所失收抑在後進者非輿論僉諧則不登稊文非雅馴及有禪風教則不錄生有封章歿有論祭玉言君命非可他

此則特識之美哉志也具三善焉無所矜以炫長故辭雖
匪約無所隱以逃名故事備而覈無所謂以行媚故義正
而嚴可以言述亦可以言作可以言志亦可以言史稽古
有徵垂後有式藉使鄭四賢操簡載筆其體裁華藻應若
是爾余與文英同事二年不省何狀然必聞其政今見其
志復若見其人詢事考言言可底績而志成適與君三年
報政期會故爲叙論大歸且以風示諸長吏云

萬曆四十三年 馮養志

我國家環海爲區星分郡邑其載在一統志者燦然臚列
矣維是郡邑亦各自爲紀焉高平卽古泫氏爲三晉屬邑

高平縣志

舊志序

二

邑舊有志乃大司空郭公所纂者公邑人也蒐羅核寔杜
華泚裁鏡往詔來足垂永世自嘉靖辛酉迄今且五十載
矣道有升降俗有淳漓察有禘祥政有治忽山川扼塞如
故也而建置之常民聚物叢如故也而則壤靡定靈秀鬱
結聿鍾于人懿行芳規炤顯或異是安可以無述哉四紀
于茲猶昭耳目失今不述久之益湮後有作者誰其徵乎
邑父母昌平劉公起家進士來尹茲土惠政仁風舒虹爍
電勵精未幾而百廢俱興矣稽古憲文考治問俗爰覽前
志而近事何寥寥也乃穆然咨嗟曰斯邑也豈其不足于
文獻哉抑亦長吏者之責也于是起而重修之焉廣譔

嚴綜核蕪蕪穢補缺遺巨肝細疇靡不條列炳若指掌矣
昔者杜預發引凡例乞垂舊章張衡合正三史願就新載
乃若斯志庶其兼之第撫拾梗概屬之謀野折衷損益多
公所自裁耳視先正之所纂者則近事有徵而益加備焉
庶幾哉晉之乘也志成以觀不佞不佞卒業嘆曰葢爾泣
民徼惠我公愷悌慈祥保障同夫尹鐸殫洽宏肆良史不
愧董狐其治邑者凡幾載矣上下咸孚遐邇丕應循良之
譽騰蹕三晉行且班聯瓊闕而簪華璫頭矣繼公爲政者
舍公其誰師乎考鏡徽猷斯志固在也不佞浮沉南署不
獲受成以與殺青之事因序其首

高平縣志

舊志序

三

順治十五年

李棠馥

邑有志猶國有史采風貢俗彰往鏡來于是焉
志四卷明嘉靖間修于郭司空一泉先生簡古質寔雅有
先進遺風議者譏其未備洎萬歷間重修于邑令昌平劉
公佐以孝廉唐子輦增爲十五卷分門析類郁乎有章矣
又未免搜羅過雜體裁未安識者病之繼茲俗儒以私臆
續貂遂至割裂篇章顛翻人物魯魚亥豕雜見行間蓋四
十年來而書幾不堪寓目矣三韓范老父母治泣之五載
道化翔洽弦誦連于比屋頂奉土檄重修邑志乃矢慎矢
公周諮周度博引諸儒之論力講盈庭之訟約十五卷爲

十卷始自輿地終于藝文披文考寔可信可徵然無不
朽之業余不佞奉 召佐樞道出里門公以裁訂見屬余
畢覽而善之曰美哉簡而該微而顯典而有章質而不俚
洵一詞不能贊矣星野沿革山川則統于輿地利祀則併
于建置非所謂簡而該者乎凡言以人傳者雖連篇必載
如和氏之可珍若人以言傳者卽片幅僅存亦一青之不
棄非所謂微而顯者乎攷經據史不傳疑似之文書事書
名畧依史氏之筆則典而有章矣若勝地名山偶載遊人
之蹟方言市語不襲雜俎之餘則又所稱質而不俚者也
四善備矣至于節孝大端必取其協例服衆通詳報可者
高平縣志

舊志序

四

乃入余謬建是議以折聚訟公虛懷嘉納而持之甚力濫
觴盡黜其足脩勸懲而關風教者豈淺尠哉咎明康海纂
武功志孫承宗纂高陽志徒以文章之名重于天下如公
之卓識宏裁言爲世法徵文考獻確乎可憑且當與班馬
平分一席二公且瞠乎其後矣

順治十五年

張

汧

粵稽禹貢分冀州之野者于春秋俱稱沃壤吾邑高都屬
焉迨秦漢以後俗漸敝益漸侈然而伊祁遺意猶幸寥寥
弗衰以故職方氏蒐輯風書泐成國史于西北爲巨瓿其
山陵泉源隱隱隆隆周衛環峙結受大行之甲秀而人文

魂不者富壽者乃建德邁于他邑丁選攷辨季故今茲
覺在版日擴而人重守器下迄比戶可封亦家敦禮讓故
士謹民愿急公市義較曩管似邁過者于三晉爲僻隅于
澤潞又爲化境矣予雖未矚上世之熙淑時從耆長傳聞
班班可紀耳茲邁賢侯潘陽范公躬膺司牧之寄以古循
良自期拔大本蕤喻擊強悍也置水喻清也抱兒孫立階
下喻慈也三媿畢具朱邑卓茂之踪洵堪并駕詎獨遜能
于漢陽長耶遂慨然于褒貞斥僞尊崇贊典凡邑中芳區
勝址名宦高賢清人節女或有淹沒弗彰者咸得播揚之
特達之于是有重修邑志之舉夫邑有志猶國有史也善

高平縣志

舊志序

五

善之公協乎輿論流布千載如同轍安在吾土龐厚之
風川巖之氣與夫殊才絕德懿節遺文不均賴以不泯哉
我侯之功偉矣懋矣予薄宦天中思掛棠蔭而不得憶邑
中之疆寓林巒每依依于食息間今志已告竣徵序弁端
試舉疇昔傳聞以及它鄉遙睇者悉從紙上見之猶欣卓
哉至于闡發絜潛搜羅遺逸善善公而輿情協是又在載
筆者

頌治十五年 田逢吉

古今不朽之業必非常之人始克任之非徒才識之難亦
必其區畫之精詳衡量之曲當足以厭一時之望而協百

世之爭無後其制作所垂爲能狹以俱永予待罪史館久
于鄉井事耳目益以濶有告予者曰吾邑有大制作子知
之乎予曰不知也客曰吾泮之志四徂廢缺凡數十年而
茲始克成焉非鉅舉乎予狂踴而起曰有是哉問孰成之
曰邑侯范公成之間公何以成之曰公以邑之大典諮于
衆得賢紳士若而人開局讎校取舊志之蕪冗訛謬者重
訂之而增輯其迄今之鉅要放逸者其大是非議論必揚
蕭矢告與衆共之而又獨手裁之隻字進退不少假自始
事以迄告竣凡再月公之心力畢殫而費亦不貲書成而
舉邑平之感以爲信史予嘆曰嘻若子言予固知非范公

高平縣志

舊志序

六

不克任此也雖然此何足盡公公以天下才儂而小試百
里蒞吾泮五載獄衰訟息疵無不釐而廢無不舉其爲政
務寬大簡易與殘黎休息而豪猾自戢境以內慈母恃之
卽莫不神君肅之至于徵發期會事出尋常而勢處盤錯
者在他境多擾攘失措或遂重困不可止公偃蹇談笑從
十指間剗劑之咸得其要領呌蹠不煩而咄嗟已辦所留
餘于民無算而康衢含鼓併不知誰之爲之蓋其肩荷與
所造于吾泮其艱且鉅有十百于此者誌其一端耳予故
曰此未足盡公也然古今來名著作者無慮數十家其凡
瑣者不暇論至馳騁闕肆如馬遷澹雅博綜若孟堅荀宗

後世指摘猶不免焉豈非持論之難而是非進退有未盡
合于道者乎誌雖一邑其責豈有異焉而公之區畫詳衡
量當輕重在手人人各得其意不再月而數十載之曠典
已舉令起而居鈞軸之地爲六字操宰割爲秘府任折衷
其于持平舉要亦復奚有且是舉之因循廢闕凡若而年
前之人幾踟躕却顧而卒于公手成之不朽之業與非常
之人確如有待豈偶然乎予故以爲非范公不克任此也
旣以釋告者去而會公以付劄有日遣使來徵一言予匏
繫職守不獲簪筆從公後又未及得是書讀之竟其曲折
獨就所素知公與近所得于輿誦者爲公述而識焉昔歐

高平縣志

舊志序

七

陽文忠人品事業皆千古僅有而其所專脩五代史獨醇
雅有法爲後世所誦服法雖叢爾紀載之在天下與在一
邑雖微有間然以公之人而爲是書其于不朽宜必有合
爲我告范公曰天下事行屬公皆當如此誌矣

順治十五年

范繩祖

古天子以及有國之君各有史其于舉必書雖甚諱不得
而奪焉所以昭垂懲勸至嚴重也後世方域紀載之書有
美而無惡其于職亦漸以替矣然齊魯曹鄭今皆列爲郡
縣邑未嘗不得史而自山川風土人文賦籍以逮名紳良
吏忠孝節烈之屬一登採陟百世榮焉故隱其意于懲而

顯其文于勳亦猶行古之道也當斯任者其敢忽乎哉高平之有志從來已久明嘉靖萬歷中司空一泉郭公暨前令昌平劉公會兩脩之嗣是因循廢闕自天啟迄今垂數十載予初蒞茲慨然欲身任之而事關特舉恐力庸弗克勝今歲十月奉通行修輯之憲檄乃卜日集議開局于邑之西館延禮名紳賢士蒐討舊文網羅放失訛者訂之蕪者刪之逸者增之謬者覈之凡舊志十五卷括爲十卷緒不繁而義咸備焉其或是非進退關論定者必焚香矢衆與紳衿邑老博諮而確議之隻字編摩惟公惟慈于是新舊典故燦然星列無湮沒淆駁之患凡再闈月而告成事

高平縣志

舊志序

八

諸君子以予寔董是役當綴一言予惟致治之道先教後政而萬世之書與一時之言其功又不啻倍誌之于書又教之公而鉅者也茲邑當兵燹燔蕩之後一旦舉數十年之墜典重新之使遺文有所垂而絜貞無所鬱于以厲世摩鈍教孰有重乎是憲令之大有造于茲邑也而予雖不敏亦得藉手竭蹶畢數載之志所未逮邑之史有成令之責于是乎釋也況古郡國之志掌于太史周禮小行人之職所至之國必別其風俗之書爲五以反命于王所以轉經遐逸而周天下之故也是書成他時採風之使或過而問焉其以資彤管之求而佐秘閣所未備者安知不在乎

是耶昔劉知幾論史有三長口才學識而域中稱三無私
惟史君一夫才學識豈予所敢言而是非進退上則憲台
之權次諸君子校讐之力予又何敢獨擅予惟欠其惟公
惟慙之心以恪修厥職雖一邑之記載不敢不以古史之
意行之庶無隕越以貽大典疚也其新舊增損卷目詳後
紀例不具列

順治十五年 郭元佐

嘗覽一統志即可稱外史曷爲邑亦有之曰今之邑古之
國也邑之乘國之史注爲文獻邦久矣其志自弘嘉以還
修之者再三作與述幾無遺力煌煌乎鉅典哉但改運而

高平縣志

舊志序

九

後諸凡闕畧不勝指非起而更新之其何以爲後世徵邑
侯范老大人勵治五稔百廢俱興復留神掌故慨然以修
纂爲己任猶爾虛公採訪有謀野心延薦紳鄉先生暨諸
庠士佐亦得以供厥役未匝月而告竣將付剞劂氏又屬
佐以文簡末竊不揣爲續貂之詞蓋時當鼎革其間風景
多遷則聲名文物其乘此一變乎嘗考革之九五曰大人

虎變而孔子卽以文炳侈揚之所爲以革之去故而兼鼎
之變新天下文章莫大乎是今花封百里亦得分虎變之
餘輝願可憚于修明與然他不具論特所難者在忠孝廉
節關千百年之風教而勸懲寓之非公則弗信非信則弗

傳獨賴大人廣咨諏嚴考覈對神矢誓以鐵面爲鐵筆其
應登邑乘者一準諸輿論絕不以成見與其中于時適館
授餐刻期考業抑何其既公且慎乃爾爰刪繁以就簡卽
舊以增新大書以摠其綱分書以詳其目一倣紫陽遺意
至其分門別類前已悉言之不復贅是役也操觚而編輯
者龐先生也執簡而較訂者李趙諸先生也供筆研以分
閱者二三博士弟子也若夫酌其可去可存獨裁獨斷以
成一信史者則大人爲政予小子何力之有焉亦惟遙觀
厥成以紀一方之文獻後有作者其以是爲徵

脩志紀事

順治十五年

范繩祖

高平縣志

舊志序

十

高平縣志遠不可稽明嘉靖三十七年司空郭一泉先生
益補其缺遺正其謬訛質而有體迨萬歷四十三年前令
昌平劉公應召重爲纂脩庠生張國經王民暉唐繼臯常
毓和校閱成書夏官大夫馮養志備序其事斐然可觀矣
嗣是天啟年有重脩志書之令當事者止增叙文因仍舊
制續加官師貢舉藏書不謹致不肖之徒剽補穢濫不足
信徵順治十五年十月內奉 憲檄脩志余集闔邑紳衿
公議重校務欲力剔宿弊細加核實一切孝節義耆之科
輿論弗許者不入若其裁併彙集刪飾評斷則脩志諸公
之力居多也至於從舊志斷中或錄其全論或採其數言

蓋不欲以今日著述掩前人之善識者自能辨之也

目例冠言

順治十五年龐太僕

舊志卷十有五茲括爲十卷蓋不欲其繁多而又期于包舉無遺也如舊編首志沿革次志天文例應統歸輿地以明職方之義而後封域以區之形勝以表之察風俗以觀美惡攷山川以辨土宜琳宮梵宇亦藉以壯山靈之色探奇吊古遺蹟故儼然在也鬱葱茂植物產時豐輿地之槩于茲較著已至夫建置之大者首城池昭捍衛之固次縣治示臨馭之尊再次學校田社彰崇儒重道之典壇廟祠祀報功德也公署屬舍備迎送也倉廩武備厚儲練也以

高平縣志

舊志序

十一

逮津梁郵政雖廢替者多端而脩舉者宜講若賦役則國計民生係乎此矣改玉以後兵燹數罹飢饉薦臻疆理汙萊而賦未減戶口凋耗而役日煩蒞茲邑者能不惻然念之哉詩云豈弟君子民之父母今日之司牧寬催科急撫字固其所也下此而脩丞尉之員者廉平循惠亦有其人奢相輔也以羨厥成至于躬爲師表中正愿慤期士子相觀而化尤稱急務豈非善政善教懿美可傳而後循良著績耶若乃翠屏蒸秀丹水環清鍾扶輿貞淑之氣其間英哲挺生人交蔚起徵辟之典間代而有科目之盛于今爲烈行見夫忠孝貞廉同光天壤而况綸綍殊恩簪纓世貴

強諸一命之繫不更輝映桑梓也哉終之以繫譚非但供
揮塵之資已也機祥告警明且惟兢悚監觀則遵典刑守
經可也毋炫奇可也雖有妙慧神伎靈仙簡棲同于三語
之掾僅侈恢奇百拜之賓聊存典故降而縱橫爭伐之象
殺人盈野千載冤呼奈何哉其以坑卒考置吾志之首哉
然則學士大夫欲樹不朽之業或獻明廷或藏名山德功
而外惟在藝文必其昭然可垂與邑志相關者存爲文獻
之徵倘人與文俱非吾土雖坡老鴻詞猶刪而弗入亦如
王粲之不妄臚列貽突襪之譏爾且也當吾之世名僑輩
出奇文共賞姑俟事久論定不敢遽爲據其行採其文也

高平縣志

舊志序

十一

是其括十五卷爲十卷者要不失前人之大指而特于列
目中求其簡而核秩而不紊以待後之人叅稽而定之也
若必如往志凡例自附于紫陽綱目之制則吾豈敢則吾
豈敢

凡例

舊志十卷闕者病其簡而未當且逮今百有餘年矣爰存舊序十卷首舉典徵事博採旁參釐爲廿二卷天尊地卑首星野示在上也次圖譜寓目了然檢書卽証次沿革注之爲邑最古顧自漢以後建置析併更名易隸屢代不一詳著之庶山川封域考古卽以信今次疆域城池以下類附焉幅幘百里山環水匝撫綏應接賴有司存次山川形勝等地近太行寔爲右輔巖邑慎固封守非僅簿書錢穀也次風俗物產俗稱勤儉從古而然波靡至今要在返樸土產不豐地勢然也次公署屬屬

高平縣志

凡例

等類關營建興廢補敝宜權民與財次學校教育之地人材所出不可不謹且詳次賦役八政重食貨輸將不易賦役全書備錄之雜稅倉庾土貢胥民力之所存也次兵制武事有文事必有武備承平之世要不可忘次職官令長官師一邑之所仰承克盡其道頌循良焉歷載姓氏有卓越者列之名宦非意爲褒貶也次選舉類次其途取士之法不一而英才亦往往間出後進者際登明選公之會當知所取法次人物山川鍾毓代不乏才鋪示有懷頌德靡遺小善亦錄所以風也不二之婦苦節永矢非以求名搜括其遺之

不與草木同腐

次詳異盛世所不能無迹休弭變事在乎人次雜志書
之體例博証他志微有異同要在事以類及其片辭逸
事無可歸附雜綜于後終以藝文名公鉅製家自有集
傳世所錄祇期與志附麗後詳註焉

南徐戴純識

高平縣志 伯朝姓氏

總修

高 平 縣 知 縣 傅德宜 奉天舉人

纂修

侯 選 知 縣 戴 純 舉人順天籍江南人

考訂

侯 選 訓 導 司 昌齡 歲貢

分修

乙 酉 科 舉 人 曾斗南 陽曲人

高 平 縣 教 諭 陳參贊 徐溝舉人

高平縣志 姓氏

高 平 縣 訓 導 劉殿翔 與縣舉人

戊 子 科 舉 人 趙 湛

同修

原任刑部廣東司主事 崔堪翼 貢生

侯 選 府 同 知 祁 樂 貢生

侯 選 知 縣 賀永端 貢生

原任介休縣訓導 李生棟 貢生

壬 申 恩 科 武 舉 張大武

侯 選 州 同 知 劉虎文 武生

侯 選 衛 千 總 蕭定國 武生

編次

候

選

州

判李

附

副務

候

選

訓

導張應旌

廩貢

貢

生趙德重

廩生

廩

膳

生

貢李治經

校錄

增

生張勵謙

附

生趙世泰

增

生邵有寬

附

生楊承緯

高平縣志

姓氏

二

採訪

廩

生賈宗桂

監

生李錫爵

監

生畢炤益

監

生李錫榮

監刊

高

平

縣

典

史鄭伯孺

貴州人

候

選

縣

丞王蒞

監

生畢炤觀

附

生李居易

經理

候

選

訓

導袁存仁

歲貢

貢

生趙良有

候

選

從

九

品鄭

培增生

監

生郭世可

勸事

候選主簿秦

桓

監

生袁九重

貢

生趙廷儀

監

生趙秉健

候選

布經歷趙繼遠

貢

生袁大用

監

生郭有成

候選州同張子揚

高平縣志

姓氏

三

監

生李璉

監

生崔錫九

候選

布理問蘇臨淵

監

生李萬鈔

監

生田文貴

貢

生常安烜

監

生陳濟

監

生殷殿士

監

生王掬

貢

生楊可楚

監

生劉炳

武

舉尙欽

候選州同常憬

貢

生李遐昌

候選司獄張統基

監

生楊棋

監

生朱秉淳

候選州同李生林

監

生牛文光

貢

生賈彭

監

生楊建德

侯選主簿中

漢

繪

圖程

榮

陽曲人

鄭文翔

掾

史王世華

李國卿

呂端

鑄

刻李炎光

高平縣志

姓氏

四

監

生揚建德

候選主簿申 頌

繪

圖程 榮

鄭交翔

掾

史王世華

李國卿

呂端

鑄

...

高平縣志

姓氏

四

高平縣志 目錄

卷之一

星野

卷之二

圖譜

卷之三

沿革

卷之四

疆域

城池

高平縣志

目錄

關隘

驛墩

舖遞

里甲

市集

卷之五

山川

形勝

古蹟

水利

橋梁

陵墓

坊表

卷之六

風俗

風土歲時記

物產

卷之七

公署

屬廨倉
獄附

壇廟

高平縣志

目錄

祠祀

寺觀

卷之八

學校

書院

社學

鄉飲

卷之九

賦役

囚糧
附

稅課

鹽法

貢篋

倉庾

耕籍老農附

蠲免

養老

卷之十

兵制

武事

卷之十一

高平縣志

目錄

職官

名宦

卷之十二

選舉

薦辟

科目

鄉貢恩拔歲副例貢附

官階

掾階

封爵

誥錫

任子

祭葬

武科

武階

卷之十三

人物

文苑

卷之十四

孝義

高平縣志

目錄

隱逸

寓賢

藝術

仙釋

卷之十五

列女

卷之十六

祥異

卷之十七

雜志

卷之十八

藝文詩餘

卷之十九

藝文雜著

卷之二十

藝文雜著

卷之二十一

藝文雜著

卷之二十二

藝文續選

高平縣志

卷末

後序

目錄

星野

天之所覆薄海內外莫可紀極豈惟華夏爲日月五星之所照臨顧自周禮大司徒以土宜之法辨十有二土之名物以相民宅而知其利害保章氏以星土辨九州之地星土者星所主土也大界則曰九州州中諸國之封域於星亦有分焉衆星布列體生於地精成於天列居錯峙各有攸屬在野象物在朝象官在人象神斗居中央四方各七日月運行歷示吉凶五緯躔次用生禍福粵稽陳卓摠甘石巫咸三家著星圖大凡以爲定紀

高平縣志

卷之一 星野

龍門父子著天官書後世代有紀述星野者天官之書流也今其可言者十有二次高平幅幘百里巽之一隅其次實沈晉之分也參爲晉星爰稽前說叅互考之志

星野

長平介趙魏中星應觜參之次晉天文志曰自畢之十二度至井十五度爲實沈唐天文志曰觜觶參伐實沈也實沈爲晉魏其占爲參井考据山川應在觜參之間

舊志

繪圖

高平隸澤州在冀州一隅準諸分野考諸傳說應係紫微
參之次至天官家言亦應占昂畢於前事殊有徵以故
四星並列以俟推詳隋隱者丹元手步天歌句中有圖
言下有象茲紀其歌於歌前圖星形庶仰觀天象畧見
包羅

高平縣志

卷之一

星野

二

鄭宿圖

唐志昂十一度



丹元子步天歌

七星一聚實不少阿西月東各一星月下五黃天陰名
陰下六鳥芻藁名營中十六天苑形河中六星名卷舌
舌下黑點天譎星礪石舌旁斜四丁

漢天文志昴畢異州

晉志昴畢趙異州

長平之戰太白食昴

宋兩朝天文志躔度云昴七星距西南星去極七十度天
阿一星去極六十六度入胃宿十度月一星去極七十
一度半入昴宿五度天陰五星距西星去極七十五度

高平縣志

卷之一

星野

三

半入胃宿七度天苑十六星距東北星去極一百七度
半入昴宿七度半芻藁六星距西行中星去極一百八
度入婁宿十一度卷舌六星去極五十三度入昴宿初
度天譎一星去極六十一度半入昴宿半度礪石四星
距南第二星去極六十五度入昴宿六度

畢宿圖

唐志畢十六度



高平縣志

卷之一

星野

四

丹元子步天歌

恰似瓜又八星出附耳畢股一星光天街兩星畢背旁
 天節畢下八鳥幢畢上橫列六諸王王下四阜天高星
 節下團圓九州城畢口斜對五車口車有三柱任縱橫
 車中五個天潢精潢畔咸池三黑星天關一星車
 參旗九個參車間旂下直間九旄連旄下十三鳥
 九旄天圍參腳邊

月令正義酉為大梁初胃七度終於畢十一度
 晉天文志自畢十二度至東井十五度為實沈

魏之分野屬益州

注云晉魏分界之域

宋兩朝天文躔度云畢八星距右股第一星去極七十五
度天街二星距南星去極七十一度入昴宿十度附耳
一星去極七十七度入畢宿三度天節八星距北星去
極八十度半入畢宿三度諸王六星距西星去極七十
度入畢宿三度天高四星距東星去極七十四度半入
畢宿六度五車五星三柱九星距大星去極四十七度
半入畢宿七度半天潢五星距西北星去極五十八度
入畢宿十一度咸池三星距南星去極五十一度入畢
宿十一度半天關一星去極七十一度半入觜宿初度
參旗九星距南第一星大星去極八十七度入畢宿六
度九游九星距南星去極一百一十三度入畢宿十二
度天園十一星去極一百二十四度入畢宿五度

高平縣志

卷之一

星野

五

座旗



高平縣志

卷之一

星野

六

丹元子步天歌

三星相近作紫葉紫土座旗直指天尊卑之位九相連
司怪曲立座旗邊四鳥大近井鉞前

唐志上黨次居下流與趙魏接為紫觶之分
李淳風法象志紫觶參伐皆直天關表而在河陰故實
下流得大梁距河稍遠涉陰亦深

晉志紫參魏益州

洛書甄耀度西方白虎而紫參為虎首故有紫之義

宋兩朝天文志躔度云紫三星距西南星去極八十二度
半座旗九星距西南星去極六十度半入參宿八度可

四星距南星去極七十一度入參宿六度
 西扇北第一星去極六十九度
 少入參宿八度半

按末二座星不補圖因井宿別占不俱列以歌及之
 祇載躔度

高平縣志


卷之一

星野

北

參宿圖

唐志參九度



丹元子步天歌

總是七星觜相侵兩肩雙足三為心伐有三星足裏深
玉井四星右足陰屏星兩扇井南襟軍井四星屏上吟
左足下四天厠臨厠下一物天屎沉

漢天文志晉之疆候辰星占參伐

馬融上日食封事參居兌位屬西方其為分野井州是也

法象志觜參實沉之次於辰在申於州為益春秋元命苞曰觜參流為

益州益之為言阨也言其所在之地險阨也又曰益之為言隘也謂物類並夾其氣急切夾裂也

宋兩朝天文志躔度云參十星距中星西第一星去極九

十二度半玉井四星距西北星去極九十八度少入畢

高平縣志

卷之一

星野

八

宿十一度半天屏二星距南星去極一百一十五度入
畢宿十三度半軍井四星距西南星去極一百五度半
入畢十四度天厠四星距西北星去極一百一十八度
半入參宿二度屎一星去極一百一十五度入參宿三
度半

按以上諸星屬昴畢觜參四星者考晉志隋史乾象
新書所載與步天歌互有不合臆為歌以指諸星之
附麗其遠近高下或不必盡同不嫌其不合也

諸星占屬 兩鎮三關志分野說有屬之五星者有主
之七星者有配之支幹者有合之節氣者

斗柄屬樞星 春秋緯文耀鉤曰太行以東至碣石王屋
底柱冀州於斗柄屬樞星漢天官書魁枕參首北斗七
星太微垣北七政之樞機陰陽之本元也故運乎天中
而臨治四方以建四時而均五行一曰天樞二曰璇三
曰機四曰權五曰玉衡六曰開陽七曰搖光一至四為
魁五至七為杓蓋帝張四維運之以斗月徙一辰復返
其所故其主如此

五星屬辰 史記云晉之疆候在辰星占參罰漢天官書

高平縣志 卷之一 星野

曰五星屬辰漢志注曰辰星主冀岳并唐書曰晉亦候
辰星占參罰鄭漁仲曰辰星北方冬水智也聽也張衡
云五星之精各有攸屬晉灼曰辰常以二月春分見奎
婁五月夏至見東井八月秋分見角亢冬至見牽牛出
以辰戌入以丑未二旬而入晨候之東方夕候之西方
一歲一周天

十二支屬申 皇甫謐曰趙分野自畢十二度至東井十
五度曰實沈之次於辰在申謂之涿瀋於律為仲呂斗
建在己唐天文志數從星紀起實沈初畢十二度立夏
中井初小滿終井十五度蔡邕二一起畢六度至井十一

度謂之實沈立夏小滿居之

十二次屬實沈 帝王世紀十二次屬實沈春秋左傳曰
帝堯遷高辛氏季子實沈於大夏主參故參爲晉星實
沈參神也晉語董因曰實沈之墟晉人是居實沈自畢
十度中參終井十一度晉魏分野保章氏鄭注云實沈
晉也趙晉冀州并州胃昴畢觜參

二十八宿屬觜參 寰宇通志云澤觜參井之分圖書編
曰澤州觜參分野洛書甄耀度西方白虎觜參三星爲
虎首參伐十星中三星虎身隅四星四足伐三星尾也
爾雅星紀觜觿參魏分唐志參罰爲戎索爲武政當河

高平縣志

卷之一

星野

十

東盡大夏之墟上黨次居下流與趙魏接爲觜觿參之
分 以上府志

按衆星者萬物之精分野者周天之次考休咎則國
星是徵察凌犯則分野必辨蓋並行也

太白屬金西方之星也辰星屬水北方之星也而三晉與
焉漢志註曰辰星主常山主冀崑并太白主奎婁胃昴
畢觜參唐書曰實沈以負西海其神主於華山太白位
焉大梁以負北海其神主於恒山辰星位焉燕齊候辰
星占虛危晉亦候辰星占參罰雖其說微有不同而西
方位金北方位水則固不易之論也

觜一度在參之右角如鼎足形至天之關明大則天下安
五穀熟隋志云觜觶爲三軍之候行軍之藏府至葆旅
收斂萬物明則軍儲盈將得勢動而明盜賊羣行葆旅
起動移將有逐者張衡云葆旅野生之可食者金火來
守國易政兵起災生坐旗九星在司怪西北至別君臣
尊卑之位明則國有禮司怪四星在井鈇鉞前候天地
日月星辰禽獸蟲蛇草木之變與天高占同參十度上
爲日月五星中道甘氏曰參爲忠良孝謹之子明則臣
忠子孝一曰參伐一曰大辰一曰天市一曰鈇鉞至斬
刈又爲天獄至殺伐又至權衡所以平理也又至邊域

高平縣志

卷之一

星野

十一

爲九譯故不欲其動也參白獸之體其中三星橫列三
將也東北曰左肩至左將西北曰右肩至右將東南曰
左足至後將軍西南曰右足至偏將軍故黃帝占參應
七將中央三小星曰伐天之都尉也至沙漠不欲明七
將皆明天下兵精也王道缺則芒道張參星失色軍散
芒角動搖邊候有急天下兵起玉井四星在參西左足
下水象也屏二星在玉井南玉井東下四星曰軍井行
軍之井也軍井未達將不言渴名取此也天廁四星在

屏東黃吉

舊志

按通志府志不載占驗良以名數災祥叢雜難舉願

史遷曰德隆則昴星星隆則昴德武王祭畢而干戈
載戢宣王北伐而昴宿斯著魯僖公二十四年歲星
入實沈之次晉文公卽位人事所感天應昭然矧背
應五穀參占七將司兵農者頗可不邁德以期順軌
歟

總論

春秋左傳昭公元年子產曰后帝遷實沈於大夏王參

詳云

后帝堯也今晉陽縣後成王滅唐而封太叔

晉公子重耳出奔歲在實沈秦伯納之故傳曰董因曰君以辰出而以參入必獲諸侯是參之於晉特端

史記天官書昴畢與州觜觶參益州

李志觜實沈之次於辰在申於州為益

註云晉魏與并之域春秋元命苞曰

參伐流為益州非今之西蜀益州也按宋之俊星野辨益是蜀蜀與晉相隔甚遠而分野則同亦如齊魯接壤而魯屬西方奎婁之分齊屬北方虛危之分中隔亥宮三十餘度宋齊接壤而衛屬北方室壁之分宋屬東方房心之分中隔燕吳齊三宮九十餘度地近而天遠之地遠而天近之其理甚微存參

高平縣志

卷之一

星野

三

漢天官書趙地昴畢之分野趙分晉得趙國西有太原定襄雲中五原上黨上黨本韓之別郡遠韓近趙後卒降趙皆趙分也

皇甫謐帝王世紀自胃七度至畢十一度曰大梁之次於辰在酉謂之作噩於律為姑洗斗建在辰今趙分野自畢十二度至東井十五度曰實沈之次於辰在中謂之涿灘於律為仲呂斗建在己今晉魏分野

見通志

地理志冀州古堯都其於天文自胃七度至畢十一度為大梁屬冀州帝居所在其界尤大故姬訾之屬并州鶉火之屬河內河東皆在焉

唐一行曰觜觿參伐實沈之次初起畢十度餘八百四十一秒四之一中參七度終東井十一度据山河考之河東及上黨太原盡西河之地古晉魏虞唐耿楊霍與黎鄆西河之濱又河東平陸芮城河北縣及河曲豐勝夏州皆東井之分

圖書編山西諸郡汾州參平陽澤州觜參太原潞安遼州沁州參井三觜參四參井惟昴畢太同

明一統志澤州禹貢冀州之域天文觜參分野

晉天文志十二次自胃七度至畢十一度爲大梁於辰在酉趙之分野屬冀州又州郡躔次昴畢趙冀州趙郡入

高平縣志

卷之一

星野

十四

畢八度上黨入與鬼二度東井與鬼秦雍州

洪氏容齋云十二國分野上屬二十八宿其爲義多不然前輩固有論矣其甚不可曉者莫如晉天文志分地列宿謬亂錯雜而出自李淳風之手豈非蔽於天而不知地乎其說如此李志前代獨推其精密謂天官一書成於耑家爲歷代史中所不及卽馬遷猶當遜長今洪氏非之參之與鬼原多不協或天步別有占驗存以俟核者然考州郡躔次陳卓范蠡鬼谷張良諸葛亮譙周京房張衡並云上黨入與鬼是李淳風之說未必盡非而洪容齋之譏恐未當此又一說也

自史記晉天文志金史以大梁之爲趙其占爲昴畢者無
不同據山河考濁漳以北常山以東又北逾雁代皆其
野表裏山河藩屏中國爲畢分又西晉塞垣皆髦頭故
地爲昴分且冀之北土馬牧蕃庶天苑之象亦存唐志
參伐爲戎索爲武政當河東盡大夏之墟上黨次居下
流與趙魏接爲觜觶之分

澤州舊志參晉星也韓趙魏衛之界晉土也然亦大畧耳
班固配十二次自胃七度中昴至畢十一度爲大梁辰
在西趙之分野屬冀州自危十六度中室壁至奎四度
爲姬訾辰在亥衛之分野屬并州陳卓京房張衡並云

高平縣志

卷之一

星野

五

昴畢趙冀州營室東壁衛并州故太原侯室壁上黨應
侯昴畢宿一行以山河兩戒二十八宿度數配地絡之
南北陰陽昴畢間爲天街陰陰國陽陽國元命苞曰昴
畢散爲冀州立爲趙國上黨趙之分地秦趙過於長平
太白食昴未嘗食參古不以昴建上黨上黨屬晉也晉
初不封上黨觜參不臨上黨非昴其孰主之高平爲土
黨地長平之遺跡昭然故高平當屬昴而畢在天街南
陽國不占觜觶距參一度爲虎首畫野在王屋以東王
屋陽城之屏虎有首有身不可以參先觜觶故陽城當
屬觜觶此可以斟酌理郡所傳之星次八分合矣

以上府志

李志昂畢天梁之次也而得宿附入焉豈參實沈
之次西魏之分也而井宿附入焉天原發微費直周易
分野蔡邕月令章句金史度數起終稍有不同而大梁
之爲趙其古爲畢昂實沈之爲晉魏其古爲參井則無
不同也據山河以考之上黨次居下流與趙魏接爲鶩
鶩之分然晉志又稱東井與鬼秦雍州下列上黨入與
鬼二度夫井鬼秦之分不應主與而參實晉星乃遺而
不道謂徙大梁河西合於東井秦拔宜陽而上黨入於
與鬼是穿鑿附會之論也

考之分野十二次蓋星家錯舉諸國界域而分配之耳

高平縣志

卷之一

星野

六

及相侵伐大牙深入如上黨本韓之別郡遠韓近趙後
卒降趙則爲趙地而其分野又屬參井爲魏分焉夫謂
參井爲魏分者非端以魏言之也言魏則韓舉之矣

通志

附錄司昌齡高平星野說

按星野之說原於周禮高平晉土也據左傳及史記
當占參漢書以趙地爲昂畢分野魏地爲鶩鶩參分
野趙魏皆晉土而星分則殊考天文家所紀多有異
同如實沈魏分而史漢雜以益州鶩首秦分而晉書
察以上黨雖以李淳風之精於法象而亦不能使人

無疑也惟唐一行謂觀兩戒山河之象與雲漢之所
始終而分野可知夾滌鄭氏深取之謂雲漢江河之
氣也認江河脈絡於兩戒識斗羅升沉於四維下悉
以古漢郡國而分野如指諸掌蓋星者氣耳雲漢北
斗五星無非氣也其言觜觿參伐見新唐書而一統
志因之此高平舊志之所本也然而長平之戰太白
食昴則高平應昴古有明徵似不當屬觜參州志所
云蓋本堅毅畢氏其詳見於四州文獻竊嘗反覆思
之二十八宿之分十二次也如昴畢爲大梁觜參爲
實沈亦紀其大概耳卽昴畢間爲天街陰陰國陽陽

國而陰陽之氣決無截然中斷之理其次雖分其氣
實相通是知昴畢觜參未始不可以互占也屬昴屬
參二說雖殊而要豈相背哉得此意者則魏分之益
洲秦分之上黨亦可以類推矣夫乾象昭臨無乎不
在高平星野固生斯土者所宜詳也故援舊志及州
志而臆論之將以就正於世之知天文者

按劉知幾曰兩曜口星麗於天象非如九州萬國廢
置無常故海田可變而景緯無易願欲執古人之法
以律今此之躔舍各據一說互相參差幾疑天道錯
違難可辨証觀天文以察時變豈竟無從置喙耶分

野之說緣星而今

國家歷法能杜歲差里差之隙致密於前代卽如畢六
度過申今算昴三度井八度過未今算參八度參七
星伐三星參原十度觜止半度今法初以距星先參
後觜乾隆十九年更正觜一度參九度復觜先參後
之次屬隸時改度數亦移而要揆斗宿以辨山河分
九州而應列曜雖叢而邑仰觀俯察精氣自有相屬
人民物類固無一不統繫而附麗之也博覽以資釐
証天道自然之應固有不可誣者乎

